

**PROCESVERBAL- TIPI I KONTRATËS - SHËRBIME**

**PËR ARGUMENTIMIN DHE MIRATIMIN E TERMAVE TE REFERENCES DHE  
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: “Marrëveshje shërbimi, mirëmbajtje dezinsektim N.Stacione”

KODI PËRKATËS NË FJALORIN E PËRBASHKËT TË PROKURIMIT (CPV): Dizinfektues 24455000-8;

VLERA E FONDIT LIMIT: 49,992,387 (Dyzet e nëntë milionë e nëntëqind e nëntëdhjetë e dy mijë e treqind e tetëdhjetë e shtatë) lekë pa tvsh.

Argumentimi në lidhje me Nenin 39, të Ligjit Nr. 162, datë 23.12.2020 “Për prokurimin publik” i ndryshuar, për mos ndarjen në lote të procedurës së prokurimit:

*Arsyeja pse nuk ndahet në lote: Në kreun V, Neni 42, pikat 1 dhe 2 të Vendimit të Këshillit të Ministrave Nr. 285, datë 19.05.2021 “Për miratimin e Rregullave të Prokurimit Publik”, i ndryshuar parashikohet shprehimisht se: “1. Autoriteti/enti kontraktor e ndan një kontratë në lote sa herë kjo është e mundur. Në çdo rast, duhet të përcaktohet qartë madhësia dhe objekti i këtyre loteve.*

*Autoriteti kontraktor, në procedurat e prokurimit mbi kufirin e lartë monetar, në rast se vendos të zhvillojë procedurën e prokurimit pa e ndarë në lote, duhet të parashikojë një përcaktim të arsyeve kryesore për këtë vendim, i cili bëhet pjesë e dosjes së tenderit. Ky detyrim nuk zbatohet në rastin e kontratave sektoriale.”*

*Në zbatim të nenit të sipërpërmendur, Njësia e Prokurimit gjykon se kjo kontratë nuk mund të ndahet në lote për arsyet e mëposhtme:*

Së pari, objekti i kontratës përbën një shërbim unik të dezinfektimit, dezinfektimit dhe deratizimit (DDD), i cili ka natyrë të njëjtë dhe funksion të vetëm, duke u konsideruar një proces teknik i pandarë. Të gjitha ndërhyrjet që përbëjnë këtë shërbim janë të ndërvarura dhe përbëjnë pjesë të njëjtë cikël higjieno-sanitar.

Së dyti, realizimi i shërbimit kërkon koordinim teknik të vazhdueshëm, përdorimin e pajisjeve dhe kimikateve të miratuara, si dhe angazhimin e personelit të specializuar nën të njëjtin plan operacional. Për shkak të natyrës së këtij procesi, ndarja në lote do të sillte fragmentim të përgjegjësi, vështirësi në kontrollin dhe monitorimin e punës, si dhe rrezik për mospërputhje në trajtime, duke cenuar efektivitetin e rezultatit përfundimtar.

Së treti, ndarja në lote do të krijonte konfuzion organizativ, rritje të kostove administrative, vonesa në zbatimin e kontratës, dhe vështirësi në sigurimin e cilësisë së njëtrajtshme në të gjitha ndërhyrjet. Kjo do të binte ndesh me parimin e efikasitetit, ekonomikitetit dhe proporcionalitetit të parashikuar nga ligji i prokurimit publik.

Në përfundim, për shkak të arsyeve të natyrës teknike, funksionale dhe organizative të përmendura më sipër, Njësia e Prokurimit gjykon se zhvillimi i procedurës si një kontratë e vetme, pa ndarje në lote, është zgjidhja më e drejtë dhe në përputhje me frymën e ligjit nr. 162/2020 dhe të VKM nr. 285/2020, duke siguruar një zbatim më të efektshëm, me cilësi dhe pa vonesa, në përputhje me nevojat e Autoritetit Kontraktor.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik” i ndryshuar, autoriteti/enti kontraktor **Drejtoria e Tensionit të Lartë OSSH SHA** ka hartuar procesverbalin për argumentimin dhe miratimin e termave të referencës dhe kriterëve për kualifikim për procedurën e sipërcituar, me përmbajtjen si më poshtë:

## **2. KRITERET E VEÇANTA TË KUALIFIKIMIT**

### **1. Ofertuesi duhet të paraqesë:**

*a. Formulari i Ofertës, sipas Shtojces 1;*

*b. Formularin Përmbledhës të Vetëdeklarimit, sipas shtojcës 10*

*c. Sigurimin e Ofertës, sipas Shtojcës 3;*

**Argumentimi:** Kërkesat e mësipërme janë përcaktuar bazuar në nenet 76, 82 “Formulari përmbledhës i vetëdeklarimit”, në nenin 83 “Sigurimi i ofertes”, të Ligjit Nr.162/2020 “Për Prokurimin Publik” i ndryshuar, si dhe në nenin 30/1, të VKM-së Nr.285, datë 19.5.2021 “Për Miratimin e Rregullave të Prokurimit Publik, të ndryshuar.

### **2. Ofertuesi duhet të paraqesë:**

#### **2.1 Kapacitetin profesional të operatorëve ekonomikë:**

Referuar pikës 1 të shtojcës 7, ofertuesi duhet të deklarojë se përmbush kriteret e përgjithshme të pranimit/kualifikimit. Këto kriteret duhet të plotësohen me dorëzimin e vetëdeklaratës me shkrim të subjektit, në ditën e hapjes së ofertës, sipas Shtojcës 10.

#### **2.2 Kapaciteti ekonomik dhe financiar:**

**2.2.1** Operatorët ekonomikë duhet të paraqesin vërtetim për xhiron vjetore për vitet financiare (2022, 2023,2024), ku vlera e xhiros për të paktën një nga vitet e periudhës së kërkuar duhet të jetë jo më e vogël se 40% e vlerës së fondit limit. *Kriteri konsiderohet i përmbushur nëse operatorët ekonomikë arrijnë vlerën e xhiros minimale, pra 40% e vlerës së fondit limit, në të paktën 1(një) vit të periudhës së kërkuar të viteve financiare.*

**Argumentimi:** Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik”.

*Përcaktimi i vlerës së kërkuar argumentohet si më poshtë:*

*Vlera e kërkuar është në përpjestim të drejtë me fondin limit të procedurës.*

*Kërkesat e mësipërme i shërbejnë autoritetit kontraktor për njohjen e gjëndjes financiare të operatorëve ekonomikë dhe të mundësisë së tyre për përmbushjen me sukses të kontratës.*

2.2 Operatorët ekonomikë duhet të paraqesin kopje të çertifikuara të bilanceve të viteve: (2022, 2023,2024) të paraqitura pranë autoriteteve përkatëse tatimore. Në rast se operatori ekonomik është në kushtet e përcaktimeve të nenit 41, të ligjit nr.10091, datë 05.03.2009, atëherë bilancet duhet të shoqërohen edhe me raportet e auditimit ligjor të pasqyrave financiare vjetore, të kryera, nga auditues ligjorë ose shoqëri audituese. Kriteri konsiderohet i përmbushuar nëse në dy bilance të njëpasnjëshme nuk ka raport negative ndërmjet aktivitetit dhe pasivit.

**Argumentimi:** Kërkesa e mësipërme është përcaktuar bazuar në nenin 77, pika 3, e LPP; të nenit 43, pika 4, të VKM nr. 285, datë 19.05.2021 “Për miratimin e rregullave të prokurimit publik” si dhe të ligjit nr.10091, datë 05.03.2009 “Për auditimin ligjor, organizimin e profesionit të ekspertit kontabël të regjistruar dhe kontabilistit të miratuar”.

*Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, në Ligjin nr. 9920 date 19.05.2008 “Për Procedurat Tatimore në Republikën e Shqipërisë” i ndryshuar, dhe aktet nenligjore në zbatim të tij.*

2.3 Operatori ekonomik duhet të paraqesë vërtetim për shlyerjen e taksave vendore të parashikuara nga Pushteti Vendor për vitin 2025, ku të përfshihet kësti për periudhën përkatëse të maturuar sipas ligjit nr.9632 datë 30.10.2006”Për sistemin e taksave vendore”i ndryshuar; (lidhur me afatet e kryerjes se pagesave të caktuara nga njesite e veteqeverisjes vendore për vitin 2025), në të cilën është regjistruar sipas QKB dhe vendimeve të Këshilleve Bashkiake të njësive vendore ku operatorët ushtrojnë aktivitetin.

*(Në çdo rast AK ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik ose ti kërkojë operatorit ekonomik sqarime dhe dokumente mbështetëse për këto sqarime.*

Në rastet e bashkimit të operatorëve ekonomikë, çdo anëtar i grupit duhet të dorëzojë vërtetimin lëshuar nga Autoriteti përkatës në të cilën është regjistruar sipas QKB.

Për përmbushjen e këtij kriteri, operatorët ekonomikë duhet të vetëdeklarojnë se ka paguar detyrimet e taksave vendore për vitin 2025 sipas ligjit nr.9632, datë 30.10.2006 në formularin përmbledhës të vetëdeklarimit të DST-së objekt prokurimi.

Në cdo rast AK ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik ose ti kërkojë operatorit ekonomik sqarime dhe dokumente mbështetëse për këto sqarime.

**Shënim:** Ndërsa operatori ekonomik i kualifikuar duhet të dorëzojë pranë AK, përpara publikimit të njoftimit të fituesit dhe nisjes së afateve ankimit, të gjithë dokumentacionin provues për vetëdeklarimet në formularin përmbledhës të vetëdeklarimit.

**Argumentimi:** Kërkesa e mësipërme është përcaktuar bazuar në nenin 77, pika 3, e LPP, si dhe nenit 43, pika 6, të VKM nr. 285, datë 19.05.2021 “Për miratimin e rregullave të prokurimit publik” dhe në ligjin nr.9632, datë 30.10.2006 “Për Sistemin e Taksave Vendore” i ndryshuar, në ligjin nr.9920 date 19.05.2008 “Per procedurat tatimore” i ndryshuar, neni 4, pika 2 d).

## **2.3 Kapaciteti teknik:**

**2.3.1** Për të provuar përvojën e mëparshme, Operatori ekonomik duhet të paraqesë dëshmi për realizimin me sukses të një ose disa kontratave të mëparshme, të ngjashme, të kryera gjatë tre viteve të fundit. Në çdo rast, vlera totale e kërkuar duhet të jetë në një vlerë jo më të vogël se 40 % të vlerës së fondit të limit dhe që është realizuar gjatë tre viteve të fundit, nga data e shpalljes së njoftimit të kontratës.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës dhe/ose fatura tatimore të shitjes, të plotësuara sipas kërkesave të legjislacionit në fuqi dhe të deklaruara në organet tatimore, ku shënohen datat, shumat dhe shërbimet e realizuara.
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

**Argumentimi:** Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe në nenin 41, pika 3 të VKM nr. 285, datë 19.05.2021 “Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën që AK kërkon të realizojë, prandaj është kërkuar që shërbimet e mëparshme të ngjashme të jenë në vlerën jo më pak se 40% të vlerës së fondit limit të MK, që është brenda vlerës kufi të përcaktuar në nenin e sipërcituar. Përcaktimi i vlerës së kërkuar për kontratat e ngjashme është vendosur brenda kufirit të vlerës të përcaktuar në rregullat e prokurimit publik dhe i shërben AK për të treguar se ofertuesit me kapacitetet e tyre kanë realizuar kontrata të ngjashme me objektin që prokurohet në vlerën prej 40 % të fondit limit, në afat dhe me cilësi dhe rrit besueshmërinë mbi përvojën që ka ofertuesi në treg. Përvoja e ngjashme është një “kompetencë thelbësore”, ndaj operatorët ekonomikë duhet të paraqesin dëshmi të tilla si referenca/fatura tatimore për ta provuar kryerjen e tyre qoftë me sektorin privat dhe atë publik.

### **1.3.2 Operatori ekonomik ofertues duhet të jetë i pajisur me Licencë për shërbime ndërhyrëse higjeno-shëndetësore me kod II.8.B.**

**Argumentim:** Ky kriter bazohet në Vendimin e Këshillit të Ministrave nr. 538, datë 26.5.2009 “Për licencat dhe lejet që trajtohen nga Qendra Kombëtare e Licencimit (QKL)”, i ndryshuar. Sipas këtij vendimi, nënkategoria II.8.B parashikon dhënien e licencës për ofrimin e shërbimeve ndërhyrëse higjeno-shëndetësore (deratizim, dezinfektim, dezinfektim), të cilat janë të domosdoshme për mbrojtjen e shëndetit publik. Për të siguruar që operatori ekonomik zotëron kapacitetin teknik dhe ligjor, kërkohet paraqitja e kësaj licence.

**1.3.3** Operatori ekonomik ofertues duhet të jetë i pajisur me Licencë për shërbime ekspertize higjeno-shëndetësore II.8.A.

**Argumentim:** Ky kriter mbështetet në të njëjtin kuadër ligjor, përkatësisht në VKM nr. 538/2009, i ndryshuar, ku nënkategoria II.8.A përcakton licencën për ofrimin e shërbimeve të ekspertizës higjeno-shëndetësore. Kjo licencë është e nevojshme për garantimin e profesionalizmit dhe aftësisë shkencore të subjektit që merr përsipër vlerësime dhe masa lidhur me higjienën dhe shëndetin publik. Kërkimi i kësaj licence lidhet ngushtë me sigurinë e kryerjes së procedurave në përputhje me standardet shëndetësore.

**1.3.4** Operatori ekonomik ofertues duhet të jetë i pajisur me Licencë II.5.A.3 për prodhimin dhe tregtimin e produkteve të mbrojtjes së bimëve. (Produkteve të rrezikshme dhe me rrezikshmeri të lartë.)

**Argumentim:** Bazuar në VKM nr. 538/2009 dhe në ndryshimet pasuese, nënkategoria II.5.A.3 përcakton licencën për prodhimin dhe tregtimin e produkteve të mbrojtjes së bimëve, të cilat konsiderohen produkte kimike me rrezikshmëri të lartë. Kjo licencë kërkohet për të garantuar që operatori ekonomik ofron vetëm produkte të certifikuara dhe të kontrolluara sipas legjislacionit shqiptar dhe atij europian për mbrojtjen e bimëve dhe mjedisit. Kriteri është i domosdoshëm pasi shërbimet e DDD dhe mirëmbajtjes së vegjetacionit shpesh përdorin pesticide dhe herbicide që hyjnë në këtë kategori.

Kërkesa e mësipërme është përcaktuar bazuar në nenin 77, të Ligjit nr. 162, datë 23.12.2020 “Për prokurimin publik” të ndryshuar, nenit 41, pika 4, gërma a) e VKM nr.285, datë 19.05.2021 “Për miratimin e Rregullave të Prokurimit Publik”, të ndryshuar, në Vendimin të Këshillit të Ministrave nr. 538, datë 26.5.2009 "Për licencat dhe lejet, që trajtohen nga apo nëpërmjet Qendrës Kombëtare të Licencimit (QKL), dhe disa rregullime të tjera nënligjore të përbashkëta". Me anë të këtij kriteri AK kërkon që operatorët ekonomikë të dëshmojnë se disponojnë licencat profesionale që parashikohen nga legjislacioni në fuqi i sipërcituar për kryerjen e shërbimeve, objekt i kontratës. Shërbimet e kerkuara objekt kontrate nuk mund të ofrohen nga çdo subjekt tregtar por vetëm nga ato subjekte të licensuara/autorizuara nga Qendra Kombëtare e Licensimit (QKL) ndaj duke qenë se kriteri është në proporcion me objektin e prokurimit të kësaj procedure vlerësojmë që operatorët ekonomikë duhet ta disponojnë dhe paraqesin këtë dokument.

**1.3.5** Operatori ekonomik ofertues duhet të ketë personelin teknik të nevojshëm për realizimin e kontratës, në përbërje të të cilit të ketë minimalisht punonjës sipas profileve të mëposhtme, të vërtetuar me kontratë pune të vlefshme, diplomë përkatëse si dhe të figurojnë në listpagesat e shoqërisë minimumi për 3 (tre) muajt e fundit të deklaruar nga data e hapjes së ofertave, ose me kontratë shërbimi konkretisht:

- 2 (dy) “Përgjegjës për sigurinë dhe mbrojtjen e shëndetit në punë”
- 1 (një) përgjegjës shërbimi/drejtues teknik (Biolog/Kimist/Agronomi /Shëndet public etj)
- 1 (një) agronom, i pajisur me certifikate vlerësimi ndikimi në mjedis, për të cilin duhet të paraqesë kontratë pune, diplomë dhe licencën përkatëse
- 1 (një) kimist, kontratë pune dhe diplomë

- 5 (pesë) punonjës aplikues të lëndëve DDD
- 5 (pesë) punonjës kopshtarie të pajisur me certifikatë trajnimi për kopshtari/gjelbërim
- 5 punonjës shofere të pajisur me leje drejtimi perkatese

(Kjo kërkesë do të konsiderohet e përmbushur gjatë fazës së ofertimit me plotesimin e formularit të vetedeklarimit, këto dokumente do të paraqiten nga operatori ekonomik i klasifikuar i pari, përpara publikimit të njoftimit të fituesit dhe nisjes së afateve të ankimit).

**Argumentimi:** Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik”, i ndryshuar, dhe nenit 41, pika 4/ b) dhe c), të VKM nr.285, datë 19.05.2021 “Për miratimin e Rregullave të Prokurimit Publik”, i ndryshuar, me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës.

Kriteri për punonjësit vendoset nga një analizë e specifikimeve teknike, grafikut të ekzekutimit të kontratës dhe specifikimeve teknike, hartuar nga AK.

Përgjegjësi i shërbimit nevojitet për organizimin, drejtimin, ndarjen dhe mbikëqyrjen e punëve, me qëllim që shërbimi objekt prokurimi të kryhet sipas specifikimeve teknike.

Duke vlerësuar që shërbimi, objekt prokurimi ka një ndikim të drejtëpërdrejtë mjedis dhe në shëndetin e punonjësve vlerësohet që përgjegjësi i shërbimit/drejtuesi teknik të jetë një njeri i aftë si inxhinier mjedisi/ Biolog/Kimist/Agronomi /Shëndet public, i cili do të kryejë mbikëqyrjen e realizimit të shërbimit, objekt prokurimi, konform kushteve dhe standarteve të kërkuara për mbrojtjen e mjedisit, si dhe në specifikimet teknike. Përgjegjësi i shërbimit me profil inxhinier mjedisi ose ekspert mjedisi siguron realizimin e shërbimit në përputhje me legjislacionin në mënyrë të tillë që mbrojnë biodiversitetin, zgjedhjen e metodave më të përshtatshme të kryerjes së shërbimit, që nuk shkaktojnë ndotje shtesë.

Inxhinjeri Agronom do të duhet për shkak të shërbimeve që kërkohej si objekt kontrate të lidhej me mirmbajtjen e vegetacionit ku një nga pikat kryesore lidhet me hedhjen e lëndëve kimikate për tharjen e barit ku rrezikshmeria është e lartë dhe si pasojë certifikata e Vlerësimit Ndikimit në Mjedis është e domosdoshme për shkak dhe të detyrës që këto kimikate mund të shkaktojnë në mjedis dhe gjithashtu mirmbajtja e druveve dhe shkurreve ku do të nevojitet krasitje prerje etj. dhe nevojat e Inxhinjerit Agronom është e pashmangshme.

Është kërkuar gjithashtu një Inxhinjer Kimist i cili do të duhet për të gjitha kimikatet, pesticidet, helmët e ndryshme që do të përdoren në këtë kontratë në përputhje me specifikimet teknike dhe shërbimeve objekt prokurimi.

Punonjësit e shërbimit janë të nevojshëm për të kryer të gjitha zërat e shërbimit, objekt prokurimi, si shërbimin DDD si dhe gjithashtu dhe mirmbajtjen e vegetacionit dhe si pasojë punonjësit duhet të jenë të trajnuar dhe certifikuar duke marrë parasysh dhe ambjente me një rrezikshmeri të lartë ku do të duhet të operojnë të përcaktuar në specifikimet teknike.

Numri i punonjësve të shërbimit është përcaktuar nga eksperti i certifikuar për auditim mjedisor dhe vlerësim të ndikimit në mjedis, (i kontraktuar nga autoriteti kontraktor për llogaritë të cilat po kryhet prokurimi), i cili ka hartuar specifikimet teknike dhe ka optimizuar numrin e punonjësve të shërbimit, bazuar në frekuencat përkatëse të secilit zë shërbimi dhe kohëzgjatjen e kontratës.

**1.3.6** Operatorët Ekonomikë pjesëmarrës duhet te deklarojnë që posedojnë në pronësi ose me qera pajisjet me të cilat do të kryhet shërbimi, të vertetuara me faturë (dhe të shoqeruara me skeda teknike ku të pasqyrohen të dhënat perkatese) apo me kontratë qeraje.

1. Kurthet multifunksional për brejtës. (minimum 500 cope)
2. Pajisje elektronike vibruese për largimin e gjarprinjeve. (minimum 200 cope)
3. Karta ngjitesë për ambiente të brendshme. (minimum 500 cope)
4. Pajisje ultratinguj për largimin e brejtesave. (minimum 200 cope)
5. Pompa për sperkatjen e produktit për tharjen e barit dhe shkurreve (minimum 10 cope)
6. Gërshërë për prerje pemësh dhe shkurresh
7. Makineri për prerje degësh/shkurresh (me bisht mbi 4 metra)
8. Veshje të posacme pune dhe pajisje për mbrojtjen dhe shendetin në punë (syze, veshje, doreza etj); (minimum 30 cope)

(Kjo kërkesë do të konsiderohet e përmbushur gjatë fazës së ofertimit me plotësimin e formularit të vetedeklarimit, këto dokumente do të paraqiten nga operatori ekonomik i klasifikuar i pari, përpara publikimit të njoftimit të fituesit dhe nisjes së afatëve të ankimit).

**1.3.8** Operatori Ekonomik duhet të paraqesi dëshmi për mjetet e pajisjet teknike, që ka në dispozicion apo mund ti vihen në dispozicion operatorit ekonomik, që nevojiten për ekzekutimin e kontratës

| Nr/R | Mjetet                                                                      | Sasia         | Gjendja                    |
|------|-----------------------------------------------------------------------------|---------------|----------------------------|
| 1    | <i>Automjete ATP për transport personeli dhe materiale për shërbime DDD</i> | <i>3 copë</i> | <i>Pronësi ose me qira</i> |
| 2    | <i>Aparate mjegulluese me pompë me presion, të montuar në kamionçinë</i>    | <i>1 copë</i> | <i>Pronësi ose me qira</i> |
| 3    | <i>Kamioncine vetshkarkuese me kapacitet mbajtës 1-1.5 ton</i>              | <i>1 copë</i> | <i>Pronësi ose me qira</i> |
| 4    | <i>Autovinc Kulle (minimumi 23 m)</i>                                       | <i>2 copë</i> | <i>Pronësi ose me qira</i> |

Mjetet me lart të përmendura duhet të jenë në pronësi ose me qira dhe ofertuesi duhet të paraqesë deklarinë për disponimin e makinerive (sipas shtojcës 10) të shoqëruar me dokumentat e mëposhtëm:

- a) **Aktin e pronësisë së mjetit perkates:** Për mjetet që shënohen në regjistra publike duhet të paraqitet dokumenti që verteton regjistrimin e mjetit (leje qarkullimi), certifikata e kontrollit teknik, taksa e mjetit dhe siguracioni i mjetit (i vlefshëm) si dhe certifikate transporti (akt - miratimi higjieno – sanitar) për shërbime DDD të lëshuara nga autoritetet perkatese (ISHSH) për subjektin dhe për automjetet për transport njerëzisht dhe

materialelesh DDD si dhe gjithashtu për mjetet tip Autokulle për punime në lartësi mjetet duhet të jenë të pajisura me Raport Inspektimi Konformiteti për pjesën e krahut për ngritjes në lartësi nga një subjekt i Akredituar nga Drejtoria e Përgjithshme e Akreditimit (DPA).

### **Ose**

**b) Kontratën e marrjes me qira të mjetit**, shoqëruar me dokumentacionin përkatës të pronësisë së mjetit që ka pronari, i cili e jep me qira. Kontrata e qirasë të jetë noteriale dhe të jetë specifike për objektin që prokurohet dhe afatin e realizimit të kësaj kontrate.

- *Për mjetet që shënohen në regjistra publikë duhet të paraqitet dokumenti që verteton regjistrimin e mjetit (leje qarkullimi), certifikata e kontrollit teknik, taksa e mjetit dhe siguracioni i mjetit (i vlefshëm) si dhe certifikate transporti (akt - miratimi higjieno – sanitar) për shërbime DDD të leshuara nga autoritetet perkatese (ISHSH) për subjektin dhe për automjetet për transport njëzesisht dhe materialelesh DDD si dhe gjithashtu për mjetet tip Autokulle për punime në lartësi mjetet duhet të jenë të pajisura me Raport Inspektimi Konformiteti për pjesën e krahut për ngritjes në lartësi nga një subjekt i Akredituar nga Drejtoria e Përgjithshme e Akreditimit (DPA).*

### **Për secilin prej mjeteve të paraqiten fotografi të tyre.**

**Argumentimi:** “Në bazë të pikës 4, të nenit të 77, të ligjit nr. nr. 162, datë 23.12.2020 “Për prokurimin publik” dhe nenit 41, pika 4/ ç, të VKM nr. 285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion mjetet dhe pajisjet teknike për të përmbushur kontratën, të nevojshme për ekzekutimin e objektit të prokurimit.

Numri dhe lloji i makinerive dhe pajisjeve është vendosur duke ju referuar zerave të shërbimit sipas specifikimeve teknike dhe sipas kohëzgjatjes së shërbimit, Për të zbatuar kontratën, operatorët ekonomik duhet të përmbushin kapacitetet teknike të pajisjeve dhe aseteve të tjera fizike, për këtë janë përcaktuar edhe dokumentet konkrete që duhet të paraqesin operatorët. Nëpërmjet kapaciteteve teknike operatorët ekonomikë vërtetojnë se zotërojnë aftësinë dhe kualifikimet e nevojshme teknike, profesionale, kapacitetet organizative, makineritë, pajisjet e asete të tjera fizike, aftësitë organizative. Pajisje dhe mjetet e mësipërme janë të lidhura ngushtë me objektin e kontratës dhe i shërbejnë autoritetit përgjegjes për njohjen e kapaciteteve dhe të mundësisë së operatorit për përmbushjen me sukses të kontratës si dëshmi për mjetet dhe pajisjet sipas specifikave. Numri i mjeteve/pajisjeve që nevojiten për realizimin e kontratës është përcaktuar bazuar në zera të shërbimit. Nga ana e autoritetit kontaktor vendosja e këtij kriteri është në përpjestim më natyren, zërat e punimeve dhe vlerën e kontratës

1. Automjete ATP për transport personeli dhe materiale për shërbime DDD (3 copë)

Këto automjete janë të domosdoshme për transportin e stafit të specializuar dhe materialeve/pajisjeve të nevojshme për kryerjen e shërbimeve DDD në nënstacionet elektrike dhe ambientet përkatëse. Posedimi i këtyre mjeteve siguron ndërhyrje të shpejtë dhe efikase, si dhe respektim të kushteve higjieno-sanitare gjatë transportit.

## 2. Aparat mjegullues me pompë me presion, i montuar në kamionçinë (1 copë)

Pajisja është thelbësore për kryerjen e trajtimeve dezinfektuese dhe dezinfektuese në hapësira të mëdha të jashtme. Montimi në kamionçinë rrit lëvizshmërinë dhe mbulimin efektiv të zonave, duke garantuar efikasitet në shpërndarjen e substancave kimike në sipërfaqe të gjera. Ky mjet është i lidhur drejtpërdrejt me kërkesat e kontratës për DDD.

## 3. Kamionçinë vetshkarkuese me kapacitet mbajtës 1–1.5 ton (1 copë)

Kjo makineri është e domosdoshme për transportimin dhe shkarkimin e materialeve të përdorura në mirëmbajtjen e vegjetacionit (degë, mbetje bimore, inerte të lehta). Përdorimi i saj siguron shpejtësi dhe lehtësi operationale, duke përmbushur kërkesat e kontratës për mirëmbajtje teknike dhe mjedisore.

## 4. Autovinc Kullë (minimumi 23 m) – 2 copë

Duke marrë shkas nga njohja e terrenit dhe problematikat që lindin për sa i përket bimësisë përkatësisht drurëve të lartë është parashikuar që Autoriteti të kërkojë vinca të cilët bëjnë të mundur krasitjen dhe kujdesjen për çdo anomali për sa i përket rrezikshmërisë në nënstacion. Keto mjete janë te nevojshme për ndërhyrjet në lartësi, kryesisht në pastrimin dhe krasitjen e vegjetacionit përreth linjave dhe nënstacioneve, si dhe për sigurinë e punonjësve gjatë këtyre operationeve. Disponimi i autovincave siguron që shërbimet të kryhen në përputhje me standardet e sigurisë në punë dhe pa pengesa operationale.

**1.3.9** Operatori ekonomik duhet të paraqesë certifikatën ISO 9001:2015 (ose e përditësuar) mbi sistemin e menaxhimit të cilësisë, e vlefshme dhe e lëshuar nga organizmat e vlerësimit të konformitetit, të akredituara nga organizmi kombëtar i akreditimit DPA, ose organizma ndërkombëtare akreditues, të njohur nga Republika e Shqipërisë. Në rastet e Bashkimit të Operatorëve ekonomik, çdo anëtar i grupit duhet të paraqesë Çertifikatën ISO sipas zërave që do të marrë përsipër të realizojë referuar akt-marrëveshjes.

**1.3.10** Operatori ekonomik duhet të paraqesë Çertifikatë ISO 14001:2015 (ose e përditësuar) mbi sistemin e menaxhimit të mjedisit e vlefshme dhe e lëshuar nga organizmat e vlerësimit të konformitetit, të akredituara nga organizmi kombëtar i akreditimit DPA, ose organizma ndërkombëtare akreditues, të njohur nga Republika e Shqipërisë. Në rastet e Bashkimit të Operatorëve ekonomik, çdo anëtar i grupit duhet të paraqesë Çertifikatën ISO sipas zërave që do të marrë përsipër të realizojë referuar akt-marrëveshjes..

**1.3.11** Operatori ekonomik duhet të paraqesë certifikatën ISO 45001:2018 (ose e përditësuar) lidhur me sistemin e menaxhimit të shëndetit dhe sigurisë në punë, e vlefshme dhe e lëshuar nga organizmat e vlerësimit të konformitetit, të akredituara nga organizmi kombëtar i akreditimit DPA, ose organizma ndërkombëtare akreditues, të njohur nga Republika e

Shqipërisë. Në rastet e Bashkimit të Operatorëve ekonomik, çdo anëtar i grupit duhet të paraqesë Çertifikatën ISO sipas zërave që do të marrë përsipër të realizojë referuar akt-marrëveshjes.

**Argumentimi:** Kërkesa e mësipërme është përcaktuar bazuar në nenin 79, pika 1 e Ligjit nr. 162, datë 23.12.2020 “Për prokurimin publik”, të ndryshuar si dhe në nenin 44 “Kërkesat e Cilësisë” të VKM-së nr.285, datë 19.05.2021 “Për miratimin e Rregullave të Prokurimit Publik” të ndryshuar. Nisur nga norma ndërkombëtare që përfaqëson ISO-ja 9001:2015 “Sistemi për Menaxhim të Cilësisë”, aplikohet për kompani të ndryshme përfshirë këtu edhe shoqëritë që ushtrojnë aktivitet tregtar në fushën e shërbimeve DDD pavarësisht madhësisë apo kompleksitetit që ato kanë ose fushës së veprimtarisë që ato ushtrojnë. Vendosja e ISO 9001:2015 na shërben për të na treguar sistemin e administrimit të shoqërisë, zotësinë e operatorëve ekonomikë për zbatimin e kërkesave të vazhdueshëm të tij për të siguruar konformitetin në zbatimin e kërkesave. Disponimi i kësaj ISO-je rrit kompetivitetin, besueshmërinë dhe performancën e subjektit tregtar në treg, ndaj duke qenë se është e lidhur ngushtësisht me objektin e prokurimit dhe nuk kufizon konkurrencën, OE duhet ta paraqesin atë.

Në objektin e kontratës janë parashikuar shërbime me kimikate/helme, të cilat kanë impakt në mjedis si dhe rrezikojnë në mënyrë të vazhdueshme jetën dhe shëndetin e punonjësve që do të angazhohen për kryerjen e këtyre shërbimeve dhe personelit tone që punon në këto ambiente, kështu që rrjedhimisht kërkesat për dy certifikatat ISO 14001:2015 dhe ISO 45001:2018 janë kërkesa të nevojshme.

Standarti ISO 14001:2015 “Sistemi menaxhimit të mjedisit” është e lidhur me mjedisin dhe ndihmon në përmirësimin e imazhit të shoqërisë në lidhje me klientet e saj, komunitetin dhe autoritetet kontraktore. Në të njëjtën kohë menaxhimi i duhur i ceshtjeve lidhur me mbrojtjen e mjedisit dhe parandalimin e ndotjeve ndihmojnë në rritjen e konkurrencës së shoqërisë shoqëruar me uljen e shpenzimeve. Angazhimi për mbrojtjen e mjedisit është një kriter madhor në zgjedhjen e një prodhuesi kurse metoda më e thjeshtë dhe më efikasitet për të shfaqur kujdes ndaj problemeve lidhur me mjedisin është zbatimi i një sistemi menaxhimi për mjedisin në konformitet me parashikimet e standartit ndërkombëtar ISO14001. Përfitimet kryesore për këtë sistem menaxhimi janë: paraqitja e angazhimit për mbrojtjen e mjedisit nga klienti, investitorët potencialë, komuniteti, autoritetet; zvogelimin e shpenzimeve nepermjet përmirësimit të administrimit mbeturinave dhe uljen e konsumit të burimeve; parandalimin e incidenteve të mundshme që mund të çojë në pagesën për demshperblim dhe dëm; përmirësimin e marrëdhënieve me autoritetet; mundësi për hyrje në tregje të reja.

Standarti ISO 45001 përfaqëson një standard ndërkombëtar që përcakton kërkesat për një sistem menaxhimi të shëndetit dhe sigurisë në punë të punonjësve të kompanisë me udhëzime për përdorimin e tij, për të mundësuar një organizatë që të përmirësojë në mënyrë proaktive performancën e shëndetit dhe sigurisë në punë të punonjësve të saj. Kjo ISO ka për qëllim të jetë e zbatueshme për çdo organizatë përfshirë dhe subjektet tregtare pavarësisht nga madhësia, lloji dhe natyra e saj. Për më tepër, që në kriteret teknike AK ka kërkuar ndër të tjera që operatorët ekonomikë të disponojnë një staf të caktuar, minimal prej 20 punonjës, të cilët duhet të sigurojnë AK shërbimet e nevojshëm gjatë gjithë periudhës që do të shtrihet marrëveshja kuader.

Në këtë kuptim, AK në vendosjen e kriterëve të mësipërme kërkon garanci në lidhje me përmbushjen me sukses dhe në afat të kontratës nga ana e operatorëve ekonomikë, të cilët duhet të dëshmojnë performancën e shëndetit dhe sigurisë në punë të punonjësve të tyre.

**1.3.12** Operatori ekonomik ofertues, për realizimin e kësaj kontrate, duke qenë se shërbimet do të kryhen edhe brenda nënstacioneve elektrike me kushte të veçanta teknike dhe sigurie, duhet të disponojë minimumi 3 (tre) punonjës të certifikuar ose me kontratë shërbimi për të gjithë periduhën e shërbimit për secilën nga certifikatat e mëposhtme:

- Dhënia e ndihmës së parë në punë;
- Siguria në pajisje elektrike;
- Zonat ATEX (Atmosfera Potencialisht Shpërthyes);

Për vërtetimin e këtij kriteri, duhet të paraqesë certifikatat e trajnimit përkatëse (Këto certifikata mund t'i disponojnë të njëjtët punonjës ose punonjës të ndryshëm, por për secilën prej tyre duhet të jenë të paktën 3 punonjës të certifikuar).

**Argumentimi:** Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” i ndryshuar dhe në nenin 41, pika 6 të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar. Bazuar në termat e references dhe specifikimet teknike, operatorët ekonomike duhet të provojnë disponimin e ketyre dokumenteve, të cilat janë të domosdoshme për të garantuar aksesin dhe realizimin e kontrates me sukses brenda territoreve ku do të realizohet shërbimi objekt kontrate.

**1.3.13** Operatori ekonomik duhet të disponojë një ambient në pronësi ose me qera të dedikuar për magazinimin e lëndëve biocide dhe/ose pesticide, i cili të jetë i pajisur me Akt-Miratim Higjeno-Sanitar, të lëshuar nga Inspektorati Shtetëror Shëndetësor (ISHSH), në përputhje me ligjin nr. 7643, datë 02.12.1992 “Për Inspektoratin Sanitar Shtetëror”, i ndryshuar. Për vërtetimin e të drejtës së përdorimit të ambientit, ofertuesi duhet të paraqesë: Certifikatën e pronësisë ose Kontratën noteriale të qirasë për ambientin në fjalë.

**Argumentimi:** Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” i ndryshuar dhe në nenin 41, pika 6 të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar si dhe Ligjin nr.9632, datë 30.10.2006 “Për sistemin shëndetësor publik” të ndryshuar. Ky kriter është i domosdoshëm për të garantuar përdorimin e kontrolluar të substancave, mbrojtjen e shëndetit publik dhe të punonjësve, si dhe realizimin me sukses të kontrates në përputhje me standartet teknike dhe ligjore.

**Shënim:** Operatori ekonomik i kualifikuar i parë duhet të dorëzojë pranë AK, përpara publikimit të njoftimit të fituesit dhe nisjes së afateve ankimit, të gjithë dokumentacionin provues për vetëdeklarimet në formularin përmbledhës të vetëdeklarimit.

- *Mosparaqitja e dokumentacionit provues, do të jetë kusht s'kualifikimi.*
- *Autoriteti Kontraktor do të bëjë verifikimin e dokumentacionit në përputhje me vetëdeklarimin e bërë gjatë fazës së ofertimit. Konstatimi i mosperputhjeve midis Formularit Përmbledhës të Vetëdeklarimit dhe dokumentacionit të dorëzuar përbën kusht s'kualifikimi.*

➤ ***Operatori ekonomik fitues, para nënshkrimit kontratës duhet të dorëzojë:***

- Kopje të Certifikatës Elektronike të Fiskalizimit, për tatimpaguesit që përdorin Platformën Qendrore të Faturave.
- Kopje të Certifikatës Elektronike të Fiskalizimit dhe kopje të vlefshme të kontratës së lidhur me Kompaninë e Çertifikuar për zgjidhjen softuerike në përdorim, për tatimpaguesit që lëshojnë fatura përmes zgjidhjes softëerike.

**Të gjitha dokumentet duhet të jenë origjinale ose kopje të noterizuara.**

**Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.**